



Ապրիլ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՍՈՒՏՆԵՐԻ ԿՈՄԻՏԵ**

ք. Երևան, Ա. Դավթի 87ա

<<22>> հունիսի 2018թ.

Ո Ր Ո Շ ՈՒ Մ No. *1217/02-Ն*

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի աշխատակազմի իրավաբանական վարչության պետ Ա. Մնացականյանս քննարկելով <ԳՈՒԴՖՈՒԴ> ՍՊ ընկերության վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <ԳՈՒԴՖՈՒԴ> ՍՊ ընկերության (ՀՎՀՀ՝ 00474832, հասցե՝ ք.Երևան, Նորքի 9-րդ փող., 106 տուն, պետ. գրանցման համարը՝ 273.110.991539) հարկային մարմնի կողմից վերահսկվող եկամուտների գծով <24> մայիսի 2018թ.-ի դրությամբ չկատարված պարտավորությունը կազմել է 2.560.598 դրամ, որից ապառք՝ 2.277.836 դրամ, տույժ՝ 282.762 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի աշխատակազմի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <09> հունիսի 2018թ.-ին հարկ վճարողը պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացել և որևէ բացատրություն չի տվել:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմել է 2.560.598 դրամ, որից՝

Եկամտային հարկի գծով պարտավորությունը կազմել է 42.473 դրամ, որից ապառք՝ 38.380 դրամ, տույժ՝ 4.093 դրամ, որն առաջացել է 2017թ. նոյեմբեր և դեկտեմբեր ամիսների եկամտային հարկի և սոցիալական վճարի ամսական ամփոփ հաշվարկներից, ինչպես նաև իրավահարաբերության ծագման պահին գործող <Հարկերի մասին> ՀՀ օրենքի 23-րդ հոդվածով /ուժը կորցրել է 01.01.2018թ.-ին/ և ՀՀ հարկային օրենսգրքի 401-րդ հոդվածով հաշվարկված տույժերից,

Ներմուծման ԱԱՀ /ԵՏՄ/ գծով պարտավորությունը կազմել է 2.509.424 դրամ, որից ապառք՝ 2.231.592 դրամ, տույժ՝ 277.832 դրամ, որը առաջացել է 2017թ. նոյեմբեր ամսվա ներմուծման հարկային հայտարարագրից, ինչպես նաև իրավահարաբերության ծագման

պահին գործող <<Հարկերի մասին>> ՀՀ օրենքի 23-րդ հոդվածով /ուժը կորցրել է 01.01.2018թ-ին/ և ՀՀ հարկային օրենսգրքի 401-րդ հոդվածով հաշվարկված տույժերից,

սոցիալական վճարի /ամսական/ գծով պարտավորությունը կազմել է 8.701 դրամ, որից ապառք՝ 7.864 դրամ, տույժ՝ 837 դրամ, որը առաջացել է 2017թ. նոյեմբեր և դեկտեմբեր ամիսների եկամտային հարկի և սոցիալական վճարի ամսական ամփոփ հաշվարկներից և <<Կուտակային կենսաթոշակների մասին>> ՀՀ օրենքի 71-րդ հոդվածով հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար է, որը վճարվում է հարկ վճարողների կողմից՝ ՀՀ Օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հրապարակել հարկ վճարողի գույքի վրա արգելանք դնելու մասին հանձնարարագիր:

Վերոգրյալի հիման վրա, ղեկավարվելով ՀՀ հարկային օրենսգրքի 398-րդ հոդվածի 5-րդ մասով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <ԳՈՒԴՖՈՒԴ> ՍՊ ընկերությունից գանձել 2.560.598 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում <<Վարչարարության հիմունքների և վարչական վարույթի մասին>> ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:

5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**



[Handwritten signature in blue ink]

Ա. ՄՆԱՅԱԿԱՆՅԱՆ

Ստացա որոշման օրինակը

Ստորագրություն

Խարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝
ԻՎ ՀԳ Բաժին,
գլխավոր մասնագետ
Վլադիմիր Ավետիսյան,
հեռ՝ 011.54-91-91/9195/